

18. juli 2016

Inatsisartut suleriaasianni § 37 naapertorlugu matumuuna Naalackersuisunut imaattunik apeqquteqaatinik saqqummiussivunga:

**Apeqqut:**

- 1. Illoqarfinni sorlarni eqqakkanik ulorianartunik tigusinermi igitsinermullu sulii atortorissaarutilersorneqanngila?**
- 2. Nunatta nunaqarfii qanoq amerlatigisut sulii eqqakkanik ulorianartunik tigusinermi igitsinermullu sulii atortorissaarutilersorneqanngillat?**
- 3. Inatsisit atuuttut naapertorlugit kommunit pisussaappat eqqakkanik ulorianartunik tigusinermi igitsinermullu atortorissaarusersuissallutik?**
- 4. Illoqarfinni sulii eqqakkanik ulorianartunik tigusinermi igitsinermullu atortorissaaruteqanngitsuni qanoq pilersitsinissaq naleqassava?**
- 5. Qanormi akeqassava Nunaqarfinni sulii pisaarsimannngitsuni, eqqakkanik ulorianartunik tigusinermi igitsinermullu atortorissaaruteqalissappata?**

(Inatsisartuni ilaasortaq, Laura Tàunâjik, Siumut)

**Tunngavilersuineq:**

Naalackersuisut majimi 2015-imi eqqaaveqarnermut tunngatillugu sanaartuinissamik pilersaarummik saqqummersitsipput. Tamatumani ilisimatitsissutigineqarpoq, Nunatta illoqarfii amerlanerpaat eqqakkanik ulorianartunik tigusinermi igitsinermullu atortorissaaruteqalereersimasut. Eqqakkanik ulorianartunik tigusinermi atortorissaarutit tiguneqarluaqaat: Sanaartukkat ingerlalluarput, eqqakkanillu ulorianartunik katersineq sulii annertusiartorpoq.

Illoqarfiit ataasiakkaat aammalu nunaqarfinni amerlanerni eqqakkanik ulorianartunik tigusinermi igitsinermullu sulii atortorissaaruteqanngilaq.

2011-imiit aningaasartuutissanut inatsisini eqqakkanik ulorianartunik tigusinermit pilersitsinissamik aningaasanik immikkoortitsisoqareersimavoq.

Eqqakkat ulorianartut s.a. uulia, akoorutissat, elektronikki, CFC-gassit nillartaartitsivinniit qerititsivinnersullu avatangiisinik mingutsitsisinnaapput. Eqqakkanik ulorianartunik passussinermi atortorissaarutit pigisariaqarput, eqqakkammi taamaattut inunnut uumasunut naasunullu mingutsitsissutaassanngippata eqqortumik atorneqassapput.